



Najavljena posjeta parlamentarnog vojnog povjerenika BiH Tehničkoj radionici za održavanje i uništenje municije i minsko-eksplozivnih sredstava „TROM“ Doboј

Koristeći ovlaštenja iz člana 4. tačka f) Zakona o parlamentarnom vojnom povjereniku BiH („Službeni glasnik BiH“, broj 51/09), parlamentarni vojni povjerenik BiH (u daljnjem tekstu: vojni povjerenik) boravio je dana 4.4.2016. u najavljenoj posjeti Tehničkoj radionici za održavanje i uništenje municije i minsko-eksplozivnih sredstava (MiMES) "TROM" Doboј.

S vojnim povjerenikom i saradnicima u ovoj posjeti učestvovali su: Ranko Ninković, samostalni izvršilac za pitanja odbrane i civilne komande nad Oružanim snagama BiH u Predsjedništvu BiH, i brigadir Martin L. Herrmann, vojni ataše Savezne Republike Njemačke u BiH.

Vojni povjerenik se ovom prilikom susreo s komandantom Komande za podršku Oružanih snaga BiH general-majorom Huseinom Tursunovićem i komandantom Komande logistike Oružanih snaga BiH brigadirom Rusmirom Mrkovićem. Sastanku su prisustvovali i inspektor Komande za podršku Oružanih snaga BiH brigadir Rajko Knežević, komandant lokacije ujedno i upravnik Tehničke radionice za održavanje i uništenje MiMES-a pukovnik Savo Aničić i komandant Glavne logističke baze pukovnik Nebojša Bošnjak.

Ovom prilikom vojni povjerenik je, zajedno sa ostalim učesnicima posjete, obišao lokaciju kasarne „3. maj“, u kojoj je smještena Tehnička radionica za održavanje i uništenje MiMES-a. Vojni povjerenik obavio je odvojene razgovore s kategorijom oficira, podoficira i vojnika, kao i s civilnim licima koja rade na ovoj lokaciji (na njihov zahtjev).

O ovoj posjeti vojnog povjerenika sačinjena je Informacija broj: 05/3-03-982,1/16, od 6.4.2016., koja je dostavljena ministrici odbrane BiH, načelniku Zajedničkog štaba Oružanih snaga BiH i upravniku Tehničke radionice za održavanje i uništenje MiMES-a.